

W 6  
102



h  
M  
sich  
h



h. 117<sup>a</sup>60.

W6  
109

Warhafftige Historia / was  
sich mit einem wunderlichen Erdfall zugetragen  
hat am Klingsberg / in der Herrschafft Henneberg/  
nicht fern von einem Kloster die Gell genandt.



M D. LXI.

BIBLIOTHECA  
PONICKAVIANA

UNIVERSITÄTS-BIBLIOTHEK  
HALLE  
(BANLE)



11. 17. 17.

11. 17. 17.

Handwritten text in a historical script, possibly Gothic or similar, appearing as bleed-through from the reverse side of the page. The text is mostly illegible due to fading and bleed-through.



# Warhafftige Historia

Was sich mit einem wunderlichen  
Erdfall zugetragen hat am Klingsberg / in  
der Herrschafft Henneberg / nicht fern  
von einem Kloster die Gell genandt.

**A** M Osterdinstag in dies-  
sem lauffenden LXI. jare / hat  
man in der Herrschafft Henne-  
berg am Klingsberg / nicht weit  
vom Kloster Gella / gesehen /  
Das der berg bey hellem liech-  
ten tage gar nahe oben an der höhe ist gebrochen  
vnd eingefallen / fast dreier Man tieff / Dazu ist  
das Erdreich von der kluft an / den Berg herab  
geschoben / in die lenge / anderthalb hundert vnd  
zwölff ruthen / in die breite / bey drey hundert  
schritten / da es am breitesten ist / Hat den Bau-  
ren die im dörfflein Klings unten am Berge  
wonen / am selben strich herab zehen Tesaer  
Ecker vberfallen / vnd an etlichen orten mehr  
denn vier oder fünff Elen hoch bedeckt / bey vier

U ij

Uijer

Acker wiesen verwüſtet / vnd das vnterſt zu oberſt  
gekert / groſſe gewaltige Beum aus der Erden  
mit der wurzel nider geriffen / vnd vnter ſich  
geworffen / an etlichen ſihet man die Wurzel / an  
etlichen das oberſte theil der Baume.

Es ſind auch zween groſſe Buchbaum oben  
vom Berge herab gerückt / vnd durch eine tieffe  
gruben / darinnen faſt mitten am Berge ſich viel  
Wasser bey fünff Elen tieff geſamlet hat / her  
durch gedrunge / welchs wunderlich zu ſehen  
geweſt / ſiehen ihnd weit / vnter dem Wasser auff  
irer Wurzel feſt vnd auffgericht / vol grünes  
laubs / ſind nach anzeigung der Bawrn / von  
dem ort da ſie erſülich geſtanden anderthalb  
hundert guter ſchritt fort gengen.

Item / Die groſſe laſt des Erdreichs / ſo ſich  
vom Berge herab geſchleiff hat / iſt in einer nacht  
am Dinstag nach Quasimodogeniti xvi. ſchuch  
lang fort gerückt / vnd dringet noch imer weiter /  
vnd bewegt ſich / jedoch gar ſill vnd langſam /  
also / das mans ihz in tag vnd nacht kaum ein  
wenig ſpüren kan / wie fern es gengen iſt. Man  
hat auch nie kein getümmel vnd krachen oder  
groß brauſen dabey gehört oder geſehen.

Der

Der Berg mit der seiten da die flufft worden  
ist / ligt gegen morgen / ist ein bodenhafftig gut  
Landt / an etlichen orten schwarz / ist nicht felsicht /  
auch nicht steiger an dem ort / vnd haben die  
Bawrn zu Klings ire Bihetrist daseselbs hinan /  
vnd eine trencke mitten am Berge gehabt.

Oben auff der höhe vnd fleche des Berges  
haben sie einen grossen platz inne zur weide. Da-  
selbs sprechen sie hat sich alle Jar im Merzen /  
viel Wasser vom schnee vnd regen gesamlet /  
ist aber isis an dem ort gar trocken. Vnd  
möchte wol sein / das natürlich dauon zu reden /  
das Wasser durch die Schlufft / vnd alten  
Stemme deren viel daseselbs sind / ist in den Berg  
gefallen. Als nu der Erdboden von dem istigen  
Sonnen schein hart vnd gleich verschlossen wor-  
den ist / sich auch die dōnsie vnd winde im Berge  
gemehret haben / vnd endlich iren ausgang ge-  
sucht / sind sie also ander seiten des Berges mit  
gewalt aus gebrochen / Wie etwa Plinius von  
Erdbieben vnd natürlichen vrsachen derselben  
schreibet.

Aber wie dem allen / so ist gewislich für ein  
wunder vnd werck Gottes zu halten / wie ich

A iij

selbs

selbs vnd alle die es gesehen haben / sagen vnd  
bekennen müssen. Vnd wenn wirs glauben  
köndten / wird freilich ein grosser zorn Gottes  
vnd fünffrige straff dadurch angezeigt / Wie  
Dauid sagt / 2. Samuel. 22. Die Erde  
bebete vnd ward bewegt / Die grund  
fest des Himmels regten sich vnd bebes-  
ten / da der HERR zornig war. Es  
habens auch die Heiden / wo sich dergleichen zu-  
getragen hat / für anzeigung eines sonderlichen  
Euentis gehalten. Was aber dieser wunder-  
liche Erdbruch bedeutet wird der Euent zu seiner  
zeit wollerem / Wir glauben doch nicht ehe / wir  
erfarens denn / Oder wie man im Sprichwort  
sagt / Die Heiligen zeichen dann. Vnd mögen  
vnser Tyrannen vnd Feinde des Euangelij /  
welche die Schrift Berge nennet / mit zu sehen /  
das ire gewalt nicht ein mal plötzlich zerbrochen  
vnd gestürzt werde.

### Luce. XXI.

Ein Volck wird sich erheben wider das ander /  
vnd

vnd ein Reich vber das ander / Vnd werden ge-  
schehen grosse Erdbebung hin vnd wider / theure  
zeit / vnd Pestilentz / Auch werden schreck-  
nis vnd grosse zeichen vom  
Himmel geschehen.



FINIS.



*[Faint, mirrored text, likely bleed-through from the reverse side of the page. The text is illegible due to fading and bleed-through.]*



*[Faint, mirrored text, likely bleed-through from the reverse side of the page.]*



*[Faint handwritten text or initials in the bottom right corner.]*



0108  
2011

M.C.

**ULB Halle** 3  
004 971 221  








Wb  
109

**Wassrige Historia / was**  
nem wunderlichen Erdfall zugetragen  
lingsberg / in der Herrschafft Henneberg/  
fern von einem Kloster die Gell genandt.



M D. LXI.

BIBLIOTHECA  
PONICKAVIANA

UNIVERSITÄTS-BIBLIOTHEK  
HALLE  
(GALE)